

■ GLOSSA

Refurmader Blatter

DA SILVIO CAMENISCH

So, hai jau lavà ditg cun savun mes mauns en nunculpanza, e poss ma mussar sco um schuber, Saubermann Josef Blatter, realmain e sin beamer davant ils funcziunaris da la Fifa. La Fifa è nossa unica sontga baselgia universalada dal ballape. Suletta vaira. Suletta vaira n'è er betg mintgina e finadina, quella bain. Tant pli dovra'la urgentamain ina refurma – da dadens anora. Uss è il mument da refurmar ella, insacur datti per mintgina il dretg mument, e per metter clera la chaussa: il refurmader sun jau! Der Reformer bin ich.

Jau refurm la Fifa, suletta vaira, tenor mia unica sumeglia. Mai na sumeglia betg in da nus funcziunaris, cardinals da la baselgia universalada dal ballape insaco. Il papa sun jau, quai per vita duranta. Jau vom en l'istorgia dal ballape sco il papa refurmader. Han ins speculà ch'il Sepp sa re-



tiria cun pass da giomber, ma malamain sa cugliunà! Qua! Det maltgiert. Quel qua na sa retira betg, betg avant ch'el ha retschavì la medaglia da merit papabenerenti dal ballape mundial, il premi d'in refurmader ed illuminator, il Premi Nobel per la pasch (en noss bels stadions en stadi da guerra!), il Premi d'etica e cultura occidentala. Ha l'intendant d'Origen retschavì quel, vi jau er quel.

Ins suppona tant aduraziun sco corrupziun aifer la Fifa. Datti garantì er en

la cultura e litteratura ed architectura. Igl ha dà tant aduraziuns sco corrupziuns. E nu'è il problem, sche nus refurmain ussa la Fifa, da dadens anora? Nus pudessan e savessan er da dador anenvers. Ella è vul era sezza, sezza pronta da finalmain annualmain vegnir refurmada. Stain nus er betg enta pes.

Ins ha er vulì corrumper mai, ins ha er vulì unscher (beschmieren) mai, e betg mo mes funcziunaris! Daspera sun jau l'unschì u crain ins ch'il «Kaiser» Franz i saja? Ich sollte mit 50 000 lumpigen Dollar bestochen werden! Det sin il piz dal nas! Per in pugn plain dollars ed in halleluja na sa lascha quel qua betg unscher! unscha'l meglier sez al dretg lieu. Corrupziun na datti betg tar nus, i dat aduraziun, tuttina èsi forse bun da refurmar ella, la Fifa. Refurmain nus ella, da dadens anor u da dador anen, er egal, na stuain nus betg ils funcziunaris. Quels stattan sco quai ch'els èn.